



Jadual Pembacaan Khutbah Jumaat

Siri 10/ 2023 (Bulan Oktober 2023)

Tarikh	Tajuk	Bil.
6 Oktober 2023M/ 21 Rabi'ul Awal 1445H	Tarbiah Rasulullah Dalam Membangunkan Ummah	1.
13 Oktober 2023M/ 28 Rabi'ul Awal 1445H	Senjata Tersalah Tuan	2.
20 Oktober 2023M/ 6 Rabi'ul Akhir 1445H	Memelihara Nasab	3.
27 Oktober 2023M/ 12 Rabi'ul Akhir 1445H	Menginsafi Hikmah Musibah	4.
Khutbah Kedua		

دبیایای:



زكاة فولاو فینغ

دتربیتکن:



جابتن حال إحوال اگام اسلام فولاو فینغ

***Jawatankuasa Panel Semakan Teks Khutbah Negeri
Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Senjata Tersalah Tuan

13 Oktober 2023M/ 28 Rabi'ul Awal 1445H

الْحَمْدُ لِلَّهِ الَّذِي خَلَقَ الْإِنْسَانَ فِي أَحْسَنِ تَقْوِيمٍ، وَخَصَّهُ عَلَى وَافِرِ فَضْلِهِ
بِالْإِنْعَامِ وَالتَّكْرِيمِ.
وَأَشْهَدُ أَنْ لَا إِلَهَ إِلَّا اللَّهُ، وَحْدَهُ لَا شَرِيكَ لَهُ، الَّذِي عَلَّمَ الْإِنْسَانَ بِالْقَلَمِ،
وَأَفْهَمَهُ مَا لَمْ يَكُنْ يَفْهَمُ.
وَأَشْهَدُ أَنَّ سَيِّدَنَا وَحَبِيبَنَا وَإِمَامَنَا مُحَمَّدًا عَبْدَهُ وَرَسُولَهُ، آتَاهُ اللَّهُ فَضْلَ
الْخِطَابِ إِذَا مَا تَكَلَّمَ.
اللَّهُمَّ صَلِّ وَسَلِّمْ عَلَى قُدُّوتِنَا مُحَمَّدٍ النَّبِيِّ الْأَمِينِ، وَعَلَى آلِهِ وَأَصْحَابِهِ
أَجْمَعِينَ، صَلَاةً عَطِرَةً مَوْصُولَةً إِلَى يَوْمِ الدِّينِ.
فَيَا عِبَادَ اللَّهِ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُؤْمِنُونَ الْمُتَّقُونَ.

SIDANG JUMAAT YANG DIRAHMATI ALLAH SEKALIAN,

Mimbar pada hari Jumaat yang berkat ini menganjurkan kepada tuan-tuan supaya berusaha menyemai sifat ketakwaan kepada Allah **سُبْحَانَهُ وَتَعَالَى**. Mudah-mudahan kita semua mendapat perlindungan Allah di alam barzakh dan dijauhkan daripada api neraka. Itulah sebenar-benar kejayaan bagi seorang mukmin.

Selain itu, khatib juga ingin mengingatkan sidang hadirin sekalian agar memberi fokus dan mendengar dengan bersungguh-sungguh khutbah Jumaat



ini. Janganlah leka bermain gajet, tidur dengan sengaja, berbual-bual atau menggerakkan tabung kutipan masjid kerana perbuatan-perbuatan tersebut bertentangan dengan adab mendengar khutbah. Marilah kita bersama-sama menghayati khutbah Jumaat yang akan membicarakan tajuk: **“Senjata Tersalah Tuan.”**

SIDANG JUMAAT RAHIMAKUMULLAH,

Allah **سُبْحَانَهُ وَتَعَالَى** berfirman dalam surah Lukman ayat 17:

يَبْنِيْ اَقِيْمِ الصَّلٰوةَ وَاْمُرْ بِالْمَعْرُوْفِ وَاَنْهَ عَنِ الْمُنْكَرِ وَاَصْبِرْ عَلٰى مَا اَصَابَكَؕ اِنَّ ذٰلِكَ مِنْ عَزْمِ

الْاُمُوْر ﴿١٧﴾

Maksudnya: *“Wahai anak kesayanganku, dirikanlah solat dan suruhlah (manusia) berbuat yang makruf dan cegahlah (mereka) daripada yang mungkar dan bersabarlah atas segala bencana yang menimpamu! Sesungguhnya, perkara itu merupakan urusan yang perlu diambil berat dengan penuh keazaman.”*

Bayangkan sekarang ini jika kita tertinggal telefon pintar atau gajet kita di rumah. Tentunya perasaan kita serba tidak kena. Kita merasakan banyak urusan kita akan jadi susah. Setiap masa, kita asyik menekan skrin telefon pintar dengan pelbagai perkara.

Sebahagian dari kita juga mungkin banyak membuang masa dengan berkomunikasi di media sosial, menonton video, dan membaca hantaran-hantaran di internet. Namun tidak dinafikan, banyak urusan kehidupan kita kini termasuk dalam urusan agama seperti memberi sedekah dan zakat, sudah boleh dilakukan secara dalam talian.

Sepertimana pisau di dapur boleh menghasilkan ribuan manfaat, maka ketahuilah saudaraku sekalian, gajet atau telefon pintar yang ada di tangan kita boleh menyebabkan kerosakkan yang amat menakutkan jika tersalah cara menggunakannya. Oleh kerana itu, ambillah perhatian terhadap apa yang khatib akan perkatakan melalui khutbah hari ini.

SIDANG JEMAAH YANG DIKASIHI,

Sejak PKP melanda, anak-anak kita telah diberikan akses yang seluas-luasnya terhadap *smart phone*. Malahan sebelum berlakunya pandemik lagi, sebahagian besar anak-anak telah mengalami ketagihan terhadap telefon pintar ini, baik dengan permainan video *game* atau di media sosial seperti *Instagram*, *Tik Tok*, *Whatsapp* dan sebagainya.

Keadaan ini kadangkala memberi impak buruk terhadap perangai dan pemikiran anak-anak kita saban hari. Guru-guru terpaksa berperang dengan masalah gajet di sekolah. Ada yang menjadikan selebriti atau pempengaruh di media sosial sebagai contoh dan ikutan. Pengaruh yang baik amat digalakkan namun pengaruh yang sebaliknya amatlah dibimbangi.

Keberkatan masa kita sekarang seolah-olah telah ditarik. Malah keberkatan hubungan kekeluargaan, hubungan guru dan pelajar, jiran tetangga dan masyarakat semakin hilang. Kita pernah mendengar kes bunuh diri seorang ibu kepada tiga orang anak kerana kecaman atau buli siber di *Tik Tok*. Ini adalah bukti jelas bahawa penggunaan gajet atau internet yang tidak terkawal boleh memberi kesan yang amat buruk sekiranya diri tiada perisai iman, ilmu dan pendidikan sewajarnya.

Paling kita takuti, akidah generasi kita sekarang bila-bila masa sahaja boleh rosak kerana pengaruh gajet yang melalaikan. Malaysia pernah

digemparkan dengan pendedahan beberapa individu dan keluarga yang zahirnya seperti keluarga muslim namun lisan mereka mengakui telah berpegang kepada akidah yang jelas sesat dan salah. Sebuah hadis daripada Abu Hurairah رَضِيَ اللَّهُ عَنْهُ, Nabi صَلَّى اللَّهُ عَلَيْهِ وَسَلَّمَ bersabda:

لَا تَقُومُ السَّاعَةُ حَتَّى يُقْبَضَ الْعِلْمُ، وَتَكْثُرَ الزَّلَازِلُ، وَيَتَقَارَبَ الزَّمَانُ، وَتَظْهَرَ الْفِتَنُ، وَيَكْثُرَ
الْهَرْجُ

Maksudnya: “Tidak akan berlakunya kiamat sehingga diangkat ilmu, banyaknya berlaku gempa, masa berlaku dengan pantas, terzahirnya fitnah-fitnah dan banyaknya pembunuhan.”

﴿Hadis Riwayat Al-Bukhari﴾

SIDANG MUSLIMIN SEKALIAN,

Ambillah perhatian bahawa satu kajian telah dilaporkan dalam Jurnal Dunia Pendidikan pada tahun 2021. Hasilnya amat membimbangkan yang mana menunjukkan dapatan berikut:

1. 50% daripada kanak-kanak mempunyai perubahan tingkah laku mudah menjadi marah atau menangis apabila gajet tidak tersedia.
2. 45% kanak-kanak berada pada tahap mengalami perubahan tingkah laku dan menunjukkan ciri-ciri ketagihan atau sudah ketagihan telefon pintar.

Keadaan ini jika tidak dibendung akan merosakkan generasi kita nanti. Guru-guru sekolah akan bertambah beban kerana masalah jati diri dan sikap anak-anak kita. Rasa hormat dan kemahiran bersosial anak-anak akan semakin menghilang. Maka, lahirlah generasi masyarakat yang hanya pentingkan diri,

fitnah menjadi satu perkara yang normal dan kehidupan peribadi dijaja untuk mendapat kemasyhuran serta tidak lagi mengendahkan dosa dan pahala. Ini terbukti melalui saluran *Tik Tok* di mana sebahagian anak gadis kita mempamerkan diri secara tidak bermaruah. Malah sebahagian remaja lelaki ada yang bersolek atas tujuan mempromosikan barangan kosmetik.

SIDANG JUMAAT RAHIMAKUMULLAH,

Justeru, khatib ingin memperingatkan kepada jemaah sekalian supaya:

Pertama: Jangan mudah memberi gajet kepada anak-anak kecil sebelum usia setahun sebagai ganjaran atau hanya kerana mahu mereka diam.

Kedua: Anak-anak yang diberikan gajet hendaklah berasaskan keperluan pembelajaran dan urusan-urusan penting dengan pengawalan yang berterusan.

Ketiga: Penggunaan telefon bimbit bagi anak-anak yang sedang berada di bangku sekolah, hendaklah dengan pemantauan ibu bapa terutamanya berkaitan kumpulan yang sering mereka libatkan diri. Ambil tahu dengan siapakah mereka sering berhubung dan apakah aktiviti-aktiviti mereka.

Keempat: Disiplinkan diri dan ahli keluarga dalam penggunaan gajet. Elakkan penggunaan di meja makan dan pada waktu-waktu ibadah serta pengajian. Jadilah ibu dan ayah yang prihatin dan cakna dengan anak-anak.

Firman Allah dalam surah Hud ayat 112:

أَعُوذُ بِاللَّهِ مِنَ الشَّيْطَانِ الرَّجِيمِ

فَأَسْتَقِمْ كَمَا أُمِرْتَ وَمَنْ تَابَ مَعَكَ وَلَا تَطْغَوْا إِنَّهُ بِمَا تَعْمَلُونَ بَصِيرٌ ﴿١١٢﴾

Maksudnya: “Oleh itu, hendaklah engkau (wahai Muhammad) sentiasa tetap teguh di atas jalan yang betul sebagaimana yang diperintahkan kepadamu, dan hendaklah orang-orang yang rujuk kembali kepada kebenaran mengikutmu berbuat demikian dan janganlah kamu melampaui batas hukum-hukum Allah. Sesungguhnya Allah Maha Melihat akan apa yang kamu kerjakan.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ مَا
سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ هُوَ
الْغَفُورُ الرَّحِيمُ.



Khutbah Kedua Bulan Oktober

2023M/ 1445H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ، وَزِينَةَ
عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ، وَارْضَ
اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ،
وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah
sekalian agar terus memberikan sokongan padu tanpa berbelah-bagi
kepada penduduk Palestin yang sedang dizalimi oleh Regim Zionis melalui
serangan tanpa henti di Gaza dan Tebing Barat.

Kita mungkin tidak mampu mengangkat senjata, tetapi kita masih
mempunyai kekuatan daripada aspek kewangan. Infakkanlah sebahagian
rezeki untuk membantu mereka yang ketika ini berada dalam keadaan yang



amat menyedihkan serta menjalani kehidupan yang sukar. Selain itu, gunakanlah senjata paling ampuh yakni DOA. Semoga Allah سُبْحَانَهُ وَتَعَالَى menganugerahkan kejayaan, keselamatan dan kesejahteraan buat seluruh umat Islam serta rakyat Palestin khususnya. Semoga bumi Palestin kembali aman dan makmur di bawah rahmat Allah سُبْحَانَهُ وَتَعَالَى.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ
مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ
مَا ظَهَرَ مِنْهَا وَمَا بَطَّنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ
الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan

melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾